

Friday, October 24, 2025

Time - 2:30pm - 2:35 pm

AKASHVANI AIZAWL
REGIONAL NEWS UNIT

REGIONAL NEWS BULLETIN
(MIDDAY)



DAMPA ELECTION TRAINING

Dampa Assembly By-Election atana Polling Party-te tan training thawhkhatna vawiin khan neih a ni a.

Vawiin training hi Addl DC & Training Nodal Officer Pi Carolyn L.B Khiantge chuan hawngin Polling Party-te chu tha taka training tura chahin, inthlanna felfai leh thianghlim taka kalpui a nih theihna tura Polling Officials-te pawimawhna hre chung a uluk taka training turin a chah a ni.

Training hi Govt Mamit High School leh Govt Mamit Higher Secondary School-ah Sector Officer leh Presiding Officer-te tan neih niin LAD Conference Hall-ah Polling Officer-te tan neih a ni bawk.



DAMPA ELECTION TRAINING

Dampa Assembly By-Election atana Polling Party-te tan training thawhkhatna vawiin khan neih a ni a.

Vawiin training hi Addl DC & Training Nodal Officer Pi Carolyn L.B Khiantge chuan hawngin Polling Party-te chu tha taka training tura chahin, inthlanna felfai leh thianghlim taka kalpui a nih theihna tura Polling Officials-te pawimawhna hre chung a uluk taka training turin a chah a ni.

Training hi Govt Mamit High School leh Govt Mamit Higher Secondary School-ah Sector Officer leh Presiding Officer-te tan neih niin LAD Conference Hall-ah Polling Officer-te tan neih a ni bawh.



MTOA

Mizoram chak lakluhna kawngpui Aizawl- Silchar National Highway lirthei zawh hleih theih loh khawpa chhia chu vawiin khan Mizoram Truck Owners Association MTOA chuan an enho ve leh a.

Khamrang leh Kawnpui inkar kawng te zawh chhuakin, an pawl President Pu B Lalzarzova chuan Zoram mipui chak lakluhna ber heti tak maia a chhia hi hriatthiam har an ti a ti a, kawng siamtu tur chu NHIDCL a ni emaw, sorkar a ni emaw, an harsatna tawh chu sutkian tul an ti a ni.

Pu Lalzarzova chuan National Highway a chhiat avanga an tawrhna te sawiin, an motor a chhiat phah bakah an inhnuhchhuah tumna lamah hnamdang mi pawhin nunna a chan phah hial tawh a ti a, ruahtui a han tan a, engtiangin nge hmalak chhoh a ni tih hi an ngaihven a ni a ti.

Mizoram Truck Owners Association President Pu B Lalzarzova chuan Kawnpui Police station thleng kawng siam an endik tawh a, chumi a zir chuan an hmalak zel dan tur an sawiho leh dawn tih a sawi.

Nimin chhun dar 12 vel khan Kawnpui leh Sairang inkar Khamrang ah Aizawl pana tlan leh Kawnpui pana tlan Truck in Truck Driver Diponkar Gogoi kum 36 mi, Assam Golaghat-a cheng chu a chil hlum a, a ruang hi Kawnpui PHC ah postmortem ani.

Kawnpui lam pana tlan Truck ruak hi Kawng chhia ah a tang a, Aizawl pana tlan Truck rit phur hian a hnuk chhuak a, a hnuhna hrui an phelh laiin Aizawl pana tlan Truck hi a hnung tawlh thut a, Truck ruak khalhtu hi a chilh hlum a ni.

Driver Diponkar Gogoi ruang hi a chhungten an la a ni.



POCSO ACT

Women & Child Development hnuai Aizawl District Child Protection Unit te buatsaihin Sponsorship beneficiaries nu leh pa te hnenah POCSO Act inzirtirna hmangin naupangte'n him zawka phone leh social media an hman dan tur in hrilh hriatna an nei .

He hunah hian Protection of Child Marriage Act in zirtirna pawh neih nghal a ni.

Nu leh pa te chu naupang in phone an khawih chungchangah fimkhur a pawimawhna te hrilh in, Phone a thil pawimawh leh naupang khawih loh tura apps pawimawh te pawh lock dan an zirtir nghal a ni.

Aizawl DCPO Pi R.Lalrinchhani chuan phone leh social media chu hman thiam loh chuan nunphung hlohna leh dam chhunga mihring Nuna pawl thlen tirtu a ni thei a ti a. Nu leh pa, naupang laka mawhphurtute pawh naupangte entawn tlaka social media leh phone khawih danah pawh kan fimkhur tur a ni tiin kalkhawmte a chah a.

He hunah hian Project Coordinator Child Help Line Pi Vanlalchhungin dan ina naupang a hum dan te sawiin danin nupui pasal nei thei chin mipa kum 21 leh hmeichhia kum 18 tlin hmaa nupui pasal inneih a phal loh thu a sawi bawh.

Naupang harsatna tawkte tanpui turin child help line No 1098 call thin turin a chah a ni.



FCAA

Ex-Mizo National Army Association Ex MNA chuan Forest Amendment Act (FCAA) 2023 Mizoram sorkarin a pawm tak duhlohna MNF Party in an lantir hmaa sut leh turin sorkar an ngen.

Ex MNA President Pu H Rochungnunga chuan MNF leh India sawrkar in kum 1986, June ni 30 ah inremna thuthlung ziah a nih khan, Article 37 (G) hmang in Mizoram chu in hum himna kulh chhungah him leh zalen taka an khawsak theih na turin hung a ni a. Chu thuthlung chu a chhung a cheng te mai ni lovin, Mizo hnahthlak ram dang leh state dang a awm te nen a par an tlan za a ni a ti a.

Tun a sawrkar na chelh mektu ZPM sawrkar in forest Amendment Act (FCAA) 2023 adopt na tur official Resolution Assembly House in a pass ta mai chu an duh lova, Joint Civil Society of Mizoram (JCSM) pawhin duhlovin sut tura sorkar an ngenna a hlawh chham tawh a, MNF Party chuan October ni 29 ah TOTAL BANDH nei turin a in buatsaih mek a, Total Bandh neih kher ngai lovin, hnuk kir leh mai turin an ngen tih a sawi a ni.

Hetihlai hian, vawiina Congress Bhavan Political Session ah thusawiin MPCC President Pu Lalthanzara chuan FCAA chu MNF-ten an duhlo tak tak a nih chuan he dan siamtu BJP leh a thawhpuite pawl NDA chhuahsan rawh se a ti.

MPCC President chuan MNF te hian Forest (Conservation) Amendment Act 2023 dodalin total bandh an buatsaih dawn a. An duh lo takzet a nih chuan NDA atang hian inhnukdawh turin a ngen a ti a. NDA atanga an inhnukdawh duh chuan siloh chuan lemchanna mai a ni a ti.

